

CONVOCATORIA ERASMUS+ SMS - 2023/2024

Mobilidade estudantes para

PRÁCTICAS

Ensinanzas Artísticas Superiores e Ensinanzas Profesionais

BASES

A mobilidade de estudantes para a realización de Prácticas Erasmus está integrada dentro da Acción Clave 1 (KA131) do Programa Erasmus+: “Mobilidade das persoas por motivos de aprendizaxe. Proxectos de mobilidade no ámbito da educación, a formación e a xuventude”.

Esta convocatoria está suxeita á normativa do programa establecida polo Servizo Español para a Internacionalización da Educación (SEPIE), ás Normas de Organización e Funcionamento da Centro da EASD Antonio Faílde e ás seguintes bases reguladoras:

PRIMEIRA. OBXECTO DA CONVOCATORIA E DESCRICIÓN

Convócanse bolsas de mobilidade para prácticas destinadas a:

- Estudantes da EASD Antonio Faílde que:
 - a) teñan formalizada a súa matrícula no último curso das Ensinanzas Artísticas Superiores de Deseño (Inteiros ou Gráfico), ou ben nos últimos cursos de calquera dos Ciclos Superiores de Ebanistería, Fotografía e Ilustración, e que estean en condicións académicas de realizar os módulos de Prácticas curriculares ou Formación en Centros de Traballo.
 - b) titulados dos meses de Xuño ou Xullo de 2023.
- Recen titulados en calquera dos estudos impartidos na EASD Antonio Faílde, que teñan acadada a súa titulación nos últimos 12 meses.

SEGUNDA. REQUISITOS

Será candidato a participar no Programa Erasmus+ o alumnado da Escola de Arte e Superior de Deseño Antonio Faílde que cumpran os seguintes requisitos:

1. Estudantes actuais:
 - a) Ter a matrícula ao corrente na EASD Antonio Faílde no presente ano escolar e estar no último curso dos estudos ou ciclos superiores que requiren de FEET ou prácticas externas.
 - b) Atoparse nas condicións académicas requiridas para realizar as prácticas en empresa no momento da realización da estadía:
 - No caso dos Ciclos Superiores, ter todos os módulos aprobados agás os de Proxecto integrado/ Proxecto final e Formación práctica en empresas, estudos ou talleres.
 - No caso das Ensinanzas Artísticas Superiores de Deseño, ter un máximo de 18 créditos ECTS pendentes.

2. Recen titulados: Ter titulado nos 12 meses anteriores á presentación da solicitude en calquera dos estudos impartidos na EASD Antonio Faílde.
3. Non se poderán simultanear no tempo mobilidades Erasmus+ de Estudos e de Prácticas, pero si poderán ter lugar no mesmo curso académico (sempre que en total non se superen os meses máximos permitidos por ciclo de estudos).
4. Para presentar a solicitude será necesario que a/o estudante busque persoalmente a empresa na que quere fazer as prácticas.

TERCEIRA. SOLICITUDE E DOCUMENTACIÓN

A persoa solicitante deberá achegar a seguinte documentación ao endereço erasmus@escolarte.com :

- Formulario de solicitude debidamente cumplimentado e asinado dispoñible no Anexo I da presente convocatoria.
- Documento de aceptación da empresa na que quere realizar as prácticas, cos datos da empresa (nome, nome do responsable, número de identificación fiscal, dirección postal, correo electrónico e teléfono).
- Documentación necesaria no caso de alegar méritos.

A secretaría da EASD Antonio Faílde xuntará á solicitude de cada persoa candidata a seguinte documentación: Certificado de matrícula ou certificado de ter os estudos rematados incluíndo a data de finalización.

A presentación da solicitude implicará para o estudante coñecer e aceptar o contido da presente convocatoria e da normativa.

CUARTA. LUGAR DE PRESENTACIÓN E PRAZO DE SOLICITUDE

As solicitudes enviaranse ao endereço erasmus@escolarte.com ata o 22 de xaneiro de 2024, xunto co resto da documentación.

QUINTA. NÚMERO DE BOLSAS

O reparto das bolsas entre as diferentes especialidades impartidas na Escola, realizarase de forma ponderada en función da matrícula, ata esgotar os fondos dispoñibles para mobilidades Erasmus de alumnado asignados á EASD Antonio Faílde polo SEPIE (Axencia Española Erasmus+).

No caso de que nalgunha especialidade queden bolsas sen asignar, poderán ser redistribuídas proporcionalmente entre o resto de especialidades.

SEXTA. CRITERIOS DE SELECCIÓN DO ALUMNADO

A selección do alumnado candidato realizarase nunha reunión da comisión de valoración, formada por:

- As xefaturas de departamento de cada ensinanza
- A coordinadora de programas internacionais
- O Director da EASD ou persoa en quen delegue.

A adxudicación de prazas farase por especialidades e de acordo cos seguintes criterios:

Prioridades dos aspirantes

Terá preferencia o alumnado ao que lle contan as prácticas para acadar a titulación e tamén aqueles que non participasen no programa Erasmus anteriormente. No marco do Programa Erasmus+ permítese aos estudiantes realizar varias estadías Erasmus de estudos e /ou prácticas, sempre que sumadas non superen doce meses.

Méritos académicos

- Expediente académico.

Nota media	Puntuación
9,1-10,0	5 puntos
8,1-9,0	4 puntos
7,1-8,0	3 puntos
6,1-7,0	2 puntos
5,0-6,0	1 puntos

Os expedientes académicos obteranse pola Oficina de Programas Internacionais a través dos rexistros informáticos da EASD Antonio Faílde, polo que non haberá que presentar documentación algúnsa neste sentido.

- Coñecemento de idiomas. O nivel de idioma acreditado do país de destino ou idioma de traballo terá a seguinte puntuación de acordo co Marco Común Europeo de Referencia para as Linguas: Ensino, Aprendizaxe, Avaliación:

Nivel	Puntuación
B1	1 punto
B2	2 puntos
C1	3 puntos
C2	4 puntos

- Terase en conta o nivel acreditado de inglés, no caso de que non sexa o idioma do país de destino, coa seguinte puntuación de acordo co Marco Común Europeo de Referencia para as Linguas: Ensino, Aprendizaxe, Avaliación:

Nivel	Puntuación
B1	0,5 puntos
B2	1 punto
C1	1,5 puntos
C2	2 puntos

- Documento de aceptación da Empresa (3 puntos).

SÉTIMA. INSTITUCIÓN DE ACOLLIDA

O posto de prácticas deberá ter relación coa especialidade que se está estudiando.

Pode ser institución de acollida calquera entidade europea non ubicada en España que desempeñe unha actividade económica no sector público ou privado, independentemente do seu tamaño, o seu estatus xurídico ou do sector económico no que exerce a súa actividade, incluída a economía social.

Inclúese nesta definición:

- Calquera organización pública ou privada dun país do programa ou dun país asociado activa no mercado de traballo ou nos ámbitos da educación, a formación, a xuventude, a investigación e a innovación, como por exemplo empresas públicas ou privadas, pequenas, medianas ou grandes (incluídas as empresas sociais).
- Unha organización, asociación ou ONG sen ánimo de lucro.

Non son elixibles institucións, corpos e axencias da Unión Europea.

OITAVA. DURACIÓN

A duración e titorización das prácticas será dun mínimo de 1 mes e máximo de 3 meses, sendo 150 horas o tempo de prácticas dos EEPP e 250 horas o dos EESS, cunha posible prórroga con beca 0 (a estudar desde a coordinación) de ata un máximo de 6 meses. O financiamento cubrirá un máximo de 3 meses. Se a persoa solicitante xa desfrutou con anterioridade doutra mobilidade Erasmus+, os meses xa realizados descontaranse do máximo de 12 meses.

NOVENA. TITORIZACIÓN DAS PRÁCTICAS

As prácticas serán titorizadas tanto dende a EASD Antonio Faílde como dende a institución de acollida. O tutor ou titora da EASD Antonio Faílde será o mesmo que as supervise ao alumnado que as faga dentro de España, en coordinación coa persoa responsable de Programas Internacionais e a do Dto. de Empresas.

DÉCIMA. ACEPTACIÓN E RENUNCIA

Unha vez feita a selección, publicarase no taboleiro de anuncios de programas internacionais, así como na web, a listaxe de beneficiarios/as das bolsas.

Establécese un prazo de dous días lectivos, contados a partir do día seguinte á data de publicación para facer reclamacións ante a Dirección, a través da Secretaría da Escola. A comisión de valoración resolverá ditas reclamacións no prazo de cinco días lectivos.

En caso de renuncia á beca Erasmus+ concedida, esta deberá ser presentada por escrito á coordinación de programas internacionais. No caso de renuncia sen causa xustificada, o/a estudiante pasará a ocupar o último lugar na lista de adxudicación en futuras convocatorias.

Se o alumnado seleccionado non presenta a súa aceptación ou renuncia por escrito dentro do prazo de 5 días naturais considerarase que acepta a axuda e ten a obriga de realizar a mobilidade (agás caso de forza maior).

UNDÉCIMA. RECOÑECEMENTO ACADÉMICO

As prácticas realizadas polo estudiantado do último curso das Ensinanzas Artísticas Superiores de Deseño e Ciclos Superiores terán pleno recoñecemento académico.

Se a duración das prácticas é maior do esixido polos estudos, o recoñecemento do exceso se realizará a través do Suplemento Europeo ao título no caso dos Estudios Superiores de Deseño, e a través de Europass no caso dos Ciclos Superiores.

Este recoñecemento estará condicionado a que se acade por parte da persoa en prácticas o nivel esixido na organización de destino, demostrado pola avaliación positiva de dita organización, e ao cumprimento por parte da persoa en prácticas dos prazos e termos acordados.

O alumnado de último curso pendente das prácticas externas curriculares ou do módulo de formación en centros de traballo, estudos ou talleres que realice a solicitude da bolsa Erasmus+ para prácticas, enténdese que, de obter unha bolsa Erasmus+ SMT (bolsa Erasmus+ de prácticas), rexeita realizar as prácticas externas ou a formación en centros de traballo dentro do proceso habitual do centro.

DUODÉCIMA. SEGUROS E TARXETA SANITARIA EUROPEA

A EASD Antonio Failde esixirá os/as alumnos/as que fagan mobilidades un seguro de viaxes que cubra accidentes, responsabilidade civil, asistencia médica e repatriación. O/a estudiante ten que facelo pola súa conta pero recibirá asesoramento desde a coordinación de internacional.

É responsabilidade da bolseira ou bolseiro tramitar a tarxeta sanitaria europea (TSE) ou subscribir ao seu cargo un seguro para cubrir as continxencias no país de destino.

Se o alumnado seleccionado ou os seus proxenitores son beneficiarios da Seguridade Social, deben dirixirse as oficinas do INSS para solicitar a TSE. Aquelas persoas aseguradas en mutuas ou seguros privados deben dirixirse a elles para obter cobertura médica no estranxeiro.

A EASD Antonio Failde non será responsable dos danos ocasionados e débedas contraídas polos/as estudiantes durante o período da súa estadía Erasmus+.

DÉCIMOTERCEIRA. APOIO LINGÜÍSTICO

A Comisión Europea ten en marcha un servizo de apoio lingüístico en liña (OLS) para contribuír a acadar os obxectivos do Programa mediante o progreso lingüístico dos participantes. Ligazón OLS da CE:

<https://erasmus-plus.ec.europa.eu/es/resources-and-tools/online-language-support>

Antes da partida, os/as estudiantes deben facer un exame inicial a través do Soporte Lingüístico Online (OLS) que se ofrece a través de SEPIE. Unha vez realizado o devandito exame, deben imprimir o resultado do mesmo mediante o comando de impresión do navegador ou, en caso de producirse algúun problema, facer unha captura de pantalla dos devanditos resultados e envialos por correo electrónico a erasmus@escolarte.com. Para calquera incidencia pódese contactar directamente coa asistencia técnica da plataforma OLS.

Online Language Support (OLS) é un servizo gratuíto posto en marcha pola Comisión Europea para axudar aos participantes nas actividades de mobilidade do proxecto Erasmus+ a mellorar o coñecemento da lingua que utilizarán para traballar, estudar ou facer voluntariado no estranxeiro, para que poidan sacar o máximo proveito de a súa experiencia. O OLS permite que o apoio lingüístico se realice dun xeito flexible e sinxelo e contribúe ao obxectivo específico do programa Erasmus+ de promover a aprendizaxe de linguas e a

diversidade lingüística. Tamén pretende mellorar a calidade da aprendizaxe, así como medir o impacto do programa en canto ás competencias lingüísticas dos participantes.

Así, o apoio lingüístico en liña (OLS), inclúe dúas facetas:

1. A avaliación obligatoria das competencias lingüísticas
2. Os cursos opcionais do idioma en cuestión.

Se un estudiante non realizara a avaliación, non poderá comezar a mobilidade adxudicada. Os/as participantes poderán ademais seguir voluntariamente un curso en liña.

Os/as estudiantes adxudicarios deberán cumplir calquera outra indicación ou disposición establecida pola AN para a presente convocatoria.

A coordinadora axudará ós estudiantes seleccionados a facer unha conta gratuíta en OLS.

DÉCIMOCUARTA. CONTÍA E PAGAMENTO DAS AXUDAS

Existe unha única vía de financiamento, a do Servicio Español para la Internacionalización de la Educación (SEPIE), por un máximo de 3 meses. Se a duración total da mobilidade supera este tempo, o tempo excedente terá consideración de "beca cero". É dicir, no caso de solicitar unha estadía superior a 3 meses, unha vez superado este tempo, non percibirá contía de subvención.

O importe das axudas dependerá do seu fluxo de mobilidade entre os países de envío e de acollida do estudiante, en función dos custes de vida do país de envío e o de recepción, segundo se recolle na normativa e convocatoria específica do programa emitida polo Servizo Español para a Internacionalización da Educación (SEPIE).

http://sepie.es/doc/convocatoria/2022/convenios/SCH/2022_anexo_iv_mono_multi_ka121_ka122_sch.pdf

Os estudiantes e titulados recentes con menos oportunidades que tiveran concedida unha beca xeral do Ministerio de Educación no curso anterior, deberán acreditalo no momento da solicitud, a fin de asignar a bolsa atendendo tamén a estes parámetros.

O ingreso da bolsa será realizado pola Oficina Internacional en dous pagos, vincellados á recepción de certa documentación, do xeito que segue:

1. Primeiro pago do 80% do importe total da beca unha vez asinada toda a documentación necesaria e, en calquera caso, dentro dos 30 días seguintes á sinatura do convenio.
2. Liquidación do 20% restante tras a entrega do certificado de fin de estancia orixinal, o informe do estudiante (UE Survey) e a memoria de prácticas.

O abono das axudas realizarase exclusivamente mediante transferencia bancaria a contas correntes situadas en España, e os seus titulares ou cotitulares deberán ser necesariamente as persoas beneficiarias das mesmas.

Durante a súa mobilidade a/o estudiante seguirá disfrutando das bolsas ou préstamos con fins educativos que podería obter normalmente parar estudar na EASD Antonio Faílde. As axudas de mobilidade Erasmus+ son complementarias aos sistemas nacionais e/ou autonómicos, incluídos os que ofrecen unha compensación polos gastos adicionais dos estudos ou prácticas que se realizan no estranxeiro.

DÉCIMOQUINTA. OBRIGAS DAS PERSOAS BENEFICIARIAS DAS BOLSAS E CONTRATOS

Logo de aceptar a bolsa, o/a estudiante comprométese a:

ANTES DA PARTIDA

- Asinar o Convenio financeiro, esixido pola Axencia nacional, onde se recollen as obrigas das partes na administración de fondos comunitarios, que tamén será asinado polo director da EASD Antonio Faílde.
- Asinar o Acordo de aprendizaxe de prácticas, onde se recollen as funcións principais que se levarán a cabo e as aprendizaxes previstas, que tamén debe ser asinado pola organización de acollida e a coordinación de Programas Internacionais.
- Acreditar a vixencia dos seguros e tarxeta sanitaria europea antes da súa viaxe.
- Entregar á coordinación Erasmus unha certificación bancaria dunha conta ao seu nome.
- Realizar o test de idioma OLS inicial que realiza Erasmus+ con finalidades estatísticas.

DURANTE A ESTADÍA NA INSTITUCIÓN/ORGANIZACIÓN/EMPRESA DE ACOLLIDA

- Na primeira semana dende a incorporación no destino, debe remitir por correo electrónico a Certificación de Chegada debidamente asinada e selada pola persoa responsable da empresa de acollida.
- Manter o contacto periódico coa coordinadora Erasmus e/ou a persoa responsable da titorización a través do endereço electrónico. Comunicar calquera problema ou modificación nas prácticas.
- Permanecer no destino ata o final do período previsto e realizar as prácticas.
- Respectar as normas e regulamentos da empresa ou institución de acollida, a súa xornada laboral habitual, o seu código de conduta e a súa política de confidencialidade.
- Enviar documentación gráfica (fotos ou vídeos) susceptible de ser compartidos en redes sociais pola Oficina Internacional da EASD Antonio Faílde.
- O estudiante que non cumpla as súas obrigas na empresa de acollida (previo informe negativo da coordinadora de Programas Internacionais e da empresa) deberá realizar a DEVOLUCIÓN ÍNTEGRA das axudas recibidas.

FINALIZADO O PERÍODO DE MOBILIDADE

- Se o certificado de permanencia acreditará un período inferior ás cantidades recibidas, a/o estudiante deberá reintegrar a totalidade ou unha parte da axuda recibida acorde aos meses ou semanas non certificados. Así mesmo, solicitarase o reintegro en caso de renuncia total ou parcial por motivos non xustificados, que quedan a criterio da Axencia nacional SEPIE.
- Cumprimentar e presentar en tempo e forma calquera documentos oficiais que en relación coa súa bolsa lle foran requiridos pola EASD Antonio Faílde ou a Axencia Nacional (SEPIE).
- Se das prácticas derivara algún traballo susceptible de seren publicado, o autor ou autora deberá constar a axuda financeira recibida a través do programa Erasmus+ e a EASD Antonio Faílde.
- Enviar á coordinación Erasmus no prazo máximo dun mes tras finalizar a estadía o documento orixinal de "Certificado de Estadía".

- **Realizar o informe final (enquisa online UE Survey)** no prazo dun mes tras a finalización da mobilidade.
- Realizar o test OLS de idioma final que realiza Erasmus con finalidades estatísticas.
- Elaborar unha memoria de prácticas e entregala en tempo e forma.

As persoas beneficiarias das bolsas de mobilidade reguladas na presente convocatoria serán as únicas responsables das súas accións nas empresas ou institucións do país de destino, eximindo de todo tipo de responsabilidade á EASD Antonio Faílde como consecuencia de danos causados, renuncias extemporáneas ou calquera outro evento que puidera implicar reclamacións.

DÉCIMOSEXTA. PUBLICACIÓN DA LISTAXE DEFINITIVA

A listaxe definitiva sairá publicada a finais de xaneiro.

A presentación da solicitude Erasmus+ para Prácticas supón a aceptación, en todos os seus termos, das bases establecidas na presente convocatoria.

Ourense, 15 de setembro de 2023

M^a Dolores Luz Peláez Rivero

Coordinadora de Programas Internacionais da EASD Antonio Faílde. Ourense